

# DITHOTO TŠA GO THIBELWA, GANETŠWA LE TŠA KETŠIŠO

## Na dithoto tša go Thibelwa le go Ganetšwa ke dife?

Phapano magareng ga go thibelwa le go ganetšwa ke:

- Dithoto tša go thibelwa ga di dumelelwe go tšena goba go tšwa ka Afrika Borwa ka fase ga mabaka a mangwe le a mangwe
- Dithoto tša go ganetšwa di dumelelwa go tšena goba go tšwa ka Afrika Borwa mo mabakeng a mangwe goba ka fase ga mabaka a mangwe, mohlala, go phemiti ya tšweletšo, setifikeiti goba lengwalo la taolo go tšwa go goro ya maleba ya mmušo, setheo goba setlhongwa.

SARS e laola dithibelo le dikganetšo tše dingwe go ya ka karolo 113(8)(a) ya Molao wa Khastom le Motšhelophahlogae, 1964 legatong la palo e mmalwa ya dikgoro tša mmušo, ditheo goba ditlhongo, mohlala Kgoro ya Boruahlapa, Temo le Dithokgwa, National Regulator for Compulsory Specifications (NRCS), Panka ya Resefe ya Afrika Borwa (SARB), go bolela ka tše dingwe.

Dithoto tša go thibelwa le tša go ganetšwa ga di kgaoletšwe go dithoto tše di swarwago ke baeti, eupša di dirišwa go mabaka ka moka a dinamelwa tša (ditsela, diporo, moyeng, lewatleng, posong goba mafelong a mangwe). Se se ra gore ditšweletšwa tše di swanetšego ke dithibelo goba dikganetšo di tlo lebanwa ke tše go sa kgathale gore di ka mohuta ofe wa go phuthelwa goba diphuthelwa ke tša tlišogae goba kišontle. Go tlaleletša go dithibelo le dikganetšo, go ya ka maemo a dithoto di swanetše go laodišwa ka tsela ye:

- N bakeng sa dithoto tše mpsha;
- U bakeng sa dithoto tše di dirišitšwego; le
- S e swanetše go dirišwa bakeng sa dithoto tša go dirišwagape.

Dithibelo le diganetšwa go tšwa go dikgoro tša go fapana tša mmušo, ditheo le ditlhongo di angwa ka go Lenaneo la go Kopanywa la Dithibelo le Dikganetšo tša Ditlišogae le Dikišontle, tše di fiwago mo bakeng sa tšhupetšo e bonolo.

Lenaneo le arotšwe go ya ka kago ya tharifi ya Harmonised Commodity Coding and Description System – yeo e tsebjago ka HS Tariff goba Tariff Book fao dithoto di bewago ka magoro ge di tlišwagae goba di išwantle:

- [Lenaneo la go Kopanywa la Dithibelo le Diganetšo tša Ditlišogae le Dikišontle](#)

## Dithoto tša ketšišo

Enngwe ya morero o mogolo wa Molao wa Dithoto tša Ketšišo, 1997 (Molao wa Nom. 37 wa 1997) ke go thibela tokollo ya dithoto tša ketšišo go mmaraka wa selegae ka Afrika Borwa.

Baofisiri ba SARS, go ya ka karolo ya 113A ya Molao wa Khastom le Motšhelophahlogae, 1964, ba ka swara dithoto tše dingwe le tše dingwe ka tlišogae ka Afrika Borwa go kgonthiša ge eba dithoto di tloga e le tša ketšišo ya dithoto bjale ka ge go laeditšwe go Molao wa Dithoto tša Ketšišo, 1997. Ditiragalo tše di diragala legatong la Kgoro ya Kgwebišano le Intasteri yeo e laolwago ka fase ga Molao wa Dithoto tša Ketšišo, 1997 bjale ka ge e laolwa (go ya ka karolo 15(1) ya Molao wa Dithoto tša Ketšišo, 1997).

Ditiragalo tše di latelago goba dithoto di a thibelwa gomme di tlo akaretšwa go tiišetša ge geba ditiragalo/dithoto di obamela dinyakwa tše di laeditšwego ka go Molao wa Dithoto tša Ketšišo, 1997 goba di sego:

- Tša go swarwa goba go ba taolong go dithoto tša ketšišo bakeng sa morereo wa kgwebo;
- Tša tšweletšo, tša go tšweletša goba go dira dithoto tša ketšišo, go akaretša go di swara, go di boloka goba go di paka, e sego bakeng sa tirišo ya praebete goba ya ka gae;
- Dithoto tša ketšišo tše di tlaetšego go rekišwa goba go di rekišwago, go hirišwa, papatšano goba tšhentšhano;
- Dithoto tša ketšišo tše di bapatšwago lefelong la phatlalatša bakeng sa kgwebišano;
- Dithoto tša ketšišo tše di abelanwego bakeng sa kgwebišano goba morero o mongwe;
- Dithoto tša ketšišo tše di tlišitšwego gae ka go goba ka goba di ntšhitšwego ka Afrika Borwe; goba
- Tša tiragalo ya go ama dithoto tša ketšišo goba tša go gononelwa.

Karolo 15(1) ya Molao wa Dithoto tša Ketšišo, 1997 e dumelela mong wa thoto ya tlhaologanyo go dira kgopelogo Khomišinare wa SARS go fediša le go swara dithoto tša go ditokelo tša dithoto tše itšeng tša tlhaologanyo ka nako e itšeng le go tlhakantšha kganetšo yeo e ka tlhagago, goba go thuša ka tšhireletšo ya tokelo yeo ka nako yeo.

Kgopelo e šupetšwa bjale ka Karolo 15 ya Kgopelo gomme e swanetše go romela the National Coordinator: Counterfeit Goods, Lehae La SARS, 299 Bronkhorst Street, Nieuw Muckleneuk, Pretoria, goba Private Bag X923, Pretoria, 0001 bakeng sa tebelelo.

Ditokelo tša dithoto tša tlhaologanyo di tlhaloswa go karolo 1 ya Molao wa Dithoto tša Ketšišo, 1997 le go akaretša dithoto tša go ba le maswao a thekišo, tokelo ya kgatišo goba maswao a itšeng a go laolwa ka fase ga Molao wa Maswao a Papatšano, 1993, Molao wa Tokelo ya kgatišo, 1978 goba Molao wa Maswao a Diphahlo tša theko, 1941, ka tatelano.